



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avgvstini Barbosæ I. V. D. Lvsitani, Protonotarii, Et
Ivdicis Apostolici designati pro Tribunali Nunciaturæ
Hispaniæ, ac insignis Ecclesiæ Vimaransenis Thesaurarij
Maioris, Collectanea Doctorvm, Qui ...**

Barbosa, Agostinho

Venetiis, 1643

De Indice liborum, & Catechisino, Breuiario, & Missali.

urn:nbn:de:hbz:466:1-14108

De Indice librorum, & Catechismo, Breuiario, & Missali.

- 1 Breuiarium Romanum ac formam illud recitandi instituit Pius V.
- 2 Breuiarium habentes ante 100. annos an satisfaciunt recitando iuxta formam Breuiarij noui Pij V.
- 3 Breuiarij, & Missalis Romani vsus semel introductus, non potest mutari redeundo ad antiquum.
- 4 Breuiarium S. Benedicti reformatum approbatur.
- 5 Breuiarium Benedictinum debet adhiberi ab omnibus Monachis, & Monialibus sub regula S. Benedicti militantibus.
- 6 Breuiarium Benedictinum de mandato Pauli V. pro omnibus Religiosis, qui militant sub regula S. Benedicti.
- 7 Missali alio, non hoc reformato celebrantes, qui alias tenentur ex Bulla Pij V. incurrunt peccatum mort. si scienter, & absque iusta causa id fecerint.

Sacro sancta ⁴ Synodus in secunda Seffione, sub Sanctissimo Domino nostro Pio I V. celebrata, delectis quibusdam Patribus commisit, vt de varijs censuris, ac libris vel suspectis, vel perniciosis, quid factu opus esset, considerarent, atque ad ipsam sanctam Synodum referrent; audiens nunc, huic operi ab eis extremam manum impositam esse, nec tamen, ob librorum varietatem, & multitudinem distincte, & commodè possit à sancta Synodo dijudicari, præcepit, vt quidquid ab illis præstitum esset, Sanctissimo Romano Pontifici exhibeatur, vt eius iudicio, atque auctoritate terminetur, & euulgetur. Idemque de ^b Catechismo à Patribus, quibus illud mandatum fuerat, & de Missali, & Breuiario fieri mandat. ⁴ supra seff. 18.
 ^b Vide seff. 24. cap. 7.

Sancta hæc Synodus probè cognoscens quanti interest salutis Ecclesiæ Christianæ hæreticorum libros si non in totum aboleri, vt minus ab vsu hominum semoueri, & particulari nota ab alijs distingui, & segregari, voluit insuper vt ex certorum quorundam Patrum, aliorumque doctissimorum virorum per diuersas Nationes ad id specialiter deputatorum iudicio, ij omnes qui vel hæretici, vel de hæretica prauitate suspecti essent, vel quoquo modo pietati, aut bonis moribus officerent, in particularem Indicem, seu catalogum, conscriberentur: quem Indicem deinde Pius Papa I V. ex huius Synodi decreto vnà cum regulis quibusdam pro illius meliore directione eidem propositis, auctoritate Apostol. approbavit, publicari, & ab omnibus suscipi ac obseruari mandauit, cum inhibitione ne quisquam siue laicus, siue Ecclesiasticus contra earum regularum præscriptum, aut ipsius Indicis prohibitionem vllos libros habere, aut legere audeat, sub diuersis penis in eadem Bulla latius expressis, cuius tenorem postmodum iterum Sixtus V. & Gregorius XIII. summi Pontif. specialiter adauerunt, & renouarunt; refert Stephan. Quarant. in summ. Bullarij verb. libri prohibiti.

- 1. Breuiarium Romanum, ac formam illud recitandi, instituit Pius V. *constit. 64 incip. Quid à nobis, 7. Id. Iulij 1568.* & denuo reuulsi. & emendauit Clemens VIII. *constitut. 86 incip. Cum in Ecclesia, 10. Maij 1602.*
- 2. Breuiarium habentes ante 100. annos institutum, non satisfaciunt recitando etiam extra chorum iuxta formam Breuiarij noui Pij V. quod in sua Ecclesia non fuit receptum de consensu Episcopi, & Capituli, vt refert decimum Nicol. Garc. *de benefic. part. 3. cap. 1. numero 155.*

Breuiarij, & Missalis Romani vsus semel introductus in Ecclesia, quæ habet particulare Breuiarium, & Missale, confirmandus est, nec licet redire ad vsum antiqui Breuiarij & Missalis, ita Aldan. *in compend. Canon. resol. libro 1. tit. 10. numer. 8.* vbi refert ita fuisse decisum à S. Congregat. Rit. *in Tullen. seu nullius 15. Martij 1608.*

Breuiarium sancti Benedicti reformatum ad vsum Breuiarij Romani, exceptis ijs, quæ ad regulam sancti Benedicti pertinent, approbatur, & conceditur Monachis dicti Ordinis in Regno Portugalie, Sel. *in select. Canon. cap. 50. num. 8.* vbi ait sic fuisse decisum à S. Congregat. Rit. *in Portugalen. 21. Februarij 1604.* & quod idem Breuiarium recitare debent Moniales eiusdem Ordinis in d. Regno, quæ Ordinario subsunt, ex ead. S. Congreg. Rit. *in alia Portugalen. 20. Martij 1604.*

Breuiarium Benedictinum debet adhiberi ab omnibus Monachis, & Monialibus sub regula sancti Benedicti militantibus, ex eod. Sel. *d. cap. 50. num. 26.* vbi testatur ita resolutum ab ead. S. Congreg. *in Tarraconen. 24. Ianuarij 1615.* & *in Suesen. 13. Iulij 1619.*

Breuiario Benedictino de mandato Pauli V. pro omnibus Religiosis qui militant sub regula S. Benedicti, vt debent omnes Monachi, & Moniales, qui & quæ militant sub regula sancti Benedicti, Sel. *vbi supra.* qui dicit sic fuisse decisum ab ead. S. Congreg. *sub die 24. Ianuarij 1616.*

Missali alio, non hoc reformato celebrantes, qui alias tenentur ex Bulla Pij V. posita in Missali Romano, incurrunt peccatum mortale si scienter, & absque iusta causa id fecerint, vt refert decimum Nicol. Garc. *de benefic. part. 3. cap. 1. num. 156.*

FINIS LAUS DEO.

INDEX

Faint, illegible text, likely bleed-through from the reverse side of the page.

INDEX